

ACTA DA SESIÓN ORDINARIA DA COMISIÓN DE CALIDADE DA FACULTADE DE HISTORIA DO 19 DE SETEMBRO DE 2019

Lista de asistentes

Presidenta, decana e coordinadora de calidade

Reboreda Morillo, Susana

Secretaria e representante do PAS

Cadilla Lomba, Josefina T.

Coordinadora de Grao

Vaquero Díaz, Beatriz

Coordinador do Mestrado en Valoración e Xestión do Patrimonio Cultural

Pérez Losada, Fermín

PDI

Barriocanal López, Yolanda

López Díaz, María

Presedo Garazo, Antonio (colaborador de calidade)

Membros da sociedade

Eguileta Franco, José María

Garrido Labrador, Begoña

Desculpan ausencia

Coordinadora do Mestrado en Arqueoloxía e Ciencias da Antigüidade

Comendador Rey, Beatriz

Membros da sociedade

Díaz Naya, Rosa María

Estudantes egresados

López López, Marta

Na sala de profesorado da Facultade de Historia do campus de Ourense, reúnenos os membros da Comisión de Calidade que figuran á marxe, o xoves 19 de setembro de 2019, ás 13.00 horas en segunda e definitiva convocatoria, co obxecto de tratar os seguintes puntos da orde do día:

1.- Aprobación, se procede, da acta correspondente á sesión ordinaria do 3 de xullo de 2019.

2.- Informe da presidenta (Informe sobre a convocatoria de eleccións para membros da Xunta de Facultade de Historia polos sectores: PDI sen vinculación permanente, estudantes e PAS)

3.- Validación, se procede, dos informes do PAT do Grao en Xeografía e Historia e do Mestrado en Valoración, Xestión e Protección do Patrimonio Cultural.

4.- Validación, se procede, da prórroga ou renovación do PAT.

5.- Validación, se procede, do nomeamento dos titores do PAT para o Grao en Xeografía e Historia, curso 2019 – 2020 e do Mestrado en Valoración, Xestión e Protección do Patrimonio Cultural.

6.- Validación, se procede, dos informes de coordinación do Grao en Xeografía e Historia e do Mestrado en Valoración, Xestión e Protección do Patrimonio Cultural.

7.- Validación, se procede, da prórroga ou renovación dos criterios de asignación de materia de Prácticas externas.

8.- Rolda de intervencións.

A decana pasa a dar lectura aos nomes dos membros da Comisión de Calidade que desculpan a súa ausencia á sesión, e que se relaciona á marxe desta acta.

1.- Aprobación, se procede, da acta correspondente á sesión ordinaria do 3 de xullo de 2019.

Apróbase a acta por asentimento.

2.- Informe da presidenta.

Comeza a presidenta informando sobre a matrícula do alumnado de novo ingreso indicando que se acadaron moi boas cifras, pechándose con 50 estudantes no Grao (tres que pasaron do plan vello ao novo) e 10 no PCEO. É o terceiro ano consecutivo que o grao obtén bos resultados de matrícula, sen dúbida son consecuencia do traballo realizado. Continúan colaborando na difusión coa facultade Nasas enfocada á semipresencialidade e Xeitura enfocada ao alumnado presencial, traballando cos institutos e en distintas feiras. Esta última vía estase incrementando e está en proxecto deseñar un stand para realizar tarefas de difusión neste contexto. A maior parte do alumnado é presencial, sendo un motivo de satisfacción. O reitor felicitou á facultade polo traballo realizado por todos no Consello de Goberno.

Este ano haberá que convocar eleccións polos sectores de PDI contratado, estudantes e PAS. Neste momento o alumnado de Grao apenas conta con representantes dado que catro deles deixaron de pertencer á xunta de facultade porque finalizaron os seus estudos. Mañá venres día 20 haberá xunta de facultade e proporáselles que designen novos representantes provisionais nas distintas comisións ata que finalice o proceso electoral. Tentarase falar co novo alumnado para que se animen a formar parte dos órganos de goberno da facultade.

Hai que facer aquí unha corrección porque na acta do día 25 de xuño indicábase que no sector de alumnado de 3º ciclo Iria Souto García comunicaba que deixaba de pertencer á citada xunta e ás comisións delegadas porque o día 29 do mesmo mes finalizaba o seu contrato. A decana contactará con ela para explicarlle que todo se debeu a un malentendido e mentres estea matriculada como alumna de terceiro ciclo poderá seguir sendo representante do alumnado polo citado sector.

En relación ao PCEO lamentablemente non se levarán a cabo os cambios de materias solicitados polo alumnado porque, a decana da Facultade de Ciencias Empresariais e Turismo indicoulle que non se presentará a proposta na Xunta de Centro porque está convencida de que non vai ser aceptado. Susana Reboreda manifesta o seu malestar porque as modificacións resultaban moi lóxicas e sería convinte acometelas para mellorar o plan de estudos. Tamén explica que solicitou á decana que lle entregue por escrito esta decisión para poder comunicarllo ao alumnado.

En relación ao proxecto deste curso, a proposta do equipo decanal é a de manter a dinámica e accións do curso pasado, dado que xa queda pouco para finalizar o mandato, non está previsto novas propostas. A decana explica que hai que ir pensando en buscar un relevo ao equipo decanal porque en xaneiro de 2021 finalizará o seu mandato. Considera que xa pechou un ciclo e que vai sendo hora de que entre xente nova. Fai un chamamento aos membros presentes para que “corran a voz” e que se empece a proxectar o relevo.

3.- Validación, se procede, dos informes do PAT do Grao en Xeografía e Historia e do Mestrado en Valoración, Xestión e Protección do Patrimonio Cultural.

A coordinadora e o colaborador de Calidade analizaron as respostas das enquisas que os/as respectivos/as titores/as dos cursos pasaron segundo o procedemento contemplado no procedemento vixente do PAT e elaboraron o informe que se xuntou coa convocatoria. O número de respostas veuse incrementado respecto ao curso pasado e en xeral mantense as respostas e a media de satisfacción. Valídase por asentimento o informe do PAT do Grao en Xeografía e Historia. A validación do informe do Mestrado en Valoración e Xestión do Patrimonio retírase da orde do día, por estar pendente a análise dos resultados da última enquisa.

4.- Validación, se procede, da prórroga ou renovación do PAT.

Dado que hai un par de anos este procedemento pasou por unha renovación profunda e os cambios se mostran oportunos, propónse a prórroga. Valídase esta por asentimento.

5.- Validación, se procede, do nomeamento dos titores do PAT para o Grao en Xeografía e Historia, curso 2019 – 2020 e do Mestrado en Valoración, Xestión e Protección do Patrimonio Cultural.

Valídase os/as seguintes titores/as para o Grao: en primeiro curso Ladislao Castro, en segundo Beatriz Vaquero, en terceiro Susana Reboreda e en cuarto Yolanda Barriocanal. Para o mestrado valídase a prórroga a Adolfo Fernández Fernández.

6.- Validación, se procede, dos informes de coordinación do Grao en Xeografía e Historia e do Mestrado en Valoración, Xestión e Protección do Patrimonio Cultural.

Tanto a coordinadora do grao como o coordinador do mestrado elaboraron os seus respectivos informes de coordinación que entregaron en tempo e forma, o que agradece a decana como coordinadora de Calidade. Intervén a profesora Beatriz Vaquero, para indicar que todo está funcionando ben e non se rexistraron problemas nin con faitic, nin e-meating, nin se rexistraron demandas

por parte do alumnado, polo que a dinámica do curso pode considerarse satisfactoriamente positiva.

En relación ao mestrado, o seu coordinador Fermín Pérez indica que no curso 2018-2019 a matrícula quedou finalmente en 16 persoas o que provocou redución do orzamento, por ese motivo o profesorado da universidade deu as mesmas clases pero non se contabilizou a carga docente efectiva. Pola súa parte o profesorado externo cobrou un 20 % menos. A decana agradece o esforzo realizado. Para o curso 2019-2020 indica que a matrícula vai moi ben e hai xa 20 matriculados con posibilidade de que haxa algún máis. O perfil continúa sendo moi variado, historia, enxeñaría, arquitectura... No relativo a nacionalidades, hai que destacar que hai alumnado de Colombia e Arxentina. Amósase moi contento polas cifras acadadas.

No Mestrado en Arqueoloxía e Ciencias da Antigüidade indica a decana que hai 19 persoas matriculadas e dúas delas pola UVigo.

Valídanse ámbolos dous informes por asentimento.

7.- Validación, se procede, da prórroga ou renovación dos criterios de asignación de materia de Prácticas Externas.

Dado que os criterios de asignación de prácticas funcionan correctamente, propónse a prórroga dos mesmos. Valídase a mesma por asentimento.

A decana comenta que ao final do curso pasado, tras unha longa traxectoria, a profesora Beatriz Vaquero manifestou o seu desexo de non continuar como coordinadora de prácticas, tomando o relevo no cargo o profesor Domingo Rodríguez Teijeiro. A decana agradece a Beatriz Vaquero os servizos prestados.

8.- Rolda de intervencións.

Non se presentan.

Ao non haber máis asuntos que tratar, remata a sesión ás 14.00 h do día 19 de setembro de 2019, da que eu como secretaria dou fe, co visto e prace da decana.

A decana

A secretaria

Asinado dixitalmente

Asinado dixitalmente

Susana Reboreda Morillo

Josefina Cadilla Lomba